

Barnaamijyada Gargaarka Kaashka ee Aafada Su'aalaha Inta baddan La Isweydiyo

Waa maxay Barnaamijyada Gargaarka Kaashka ee Aafada?

Waaxda Adeegyada Caafimaadka iyo Bulshada waxay hawlgelinaysaa Barnaamijyada Gargaarka Kaashka ee Aafada, ama DCAP, marka gobolatoraha ama guddoomiyaha gobolka uu ku dhawaaqo xaaladaha qaarkood oo degdeg ah. Barnaamijka waxaa loogu talagalay in uu ka caawiyo qaar ka mid ah reer Washington in ay daboolaan baahiyadooda aasaasiga ah inta lagu guda jiro xaaladda degdegga ah.

Maxay tahay sababta ay tani u dhaceyo?

Dowladda federaalka ayaa mar kale oggolaatay in barnaamijka DCAP laga hirgeliyo gobolka Washington. Dhaqangal ah Abriil 2021, DCAP ayaa dib loo soo celinayaa iyada oo wax looga qabanayo xaaladda degdegga ah ee cudurka COVID-19. Qaybta Adeegyada Bulshada ee DSHS ayaa waxay haysaa maaliyad dheeraad ah iyo amar cusub oo ka yimid guddoomiye Inslee si loo bixiyo barnaamijkan ku-meelgaarka ah loona caawiyo reer Washington inta lagu guda jiro waqtigan dhibaataada jirta ee aanan la saadaalin karin.

Immisa jeer ayaan heli karaa caawimaaddan?

Iyada oo lagu saleynayo amarka hadda ka soo baxay guddoomiyaha, barnaamijka DCAP ayaa waxaa loo bixin karaa si bille ah. Wareysi iyo codsi cusub ayaa loogu baahan yahay codsi kasta inta lagu guda jiro waqtigan.

Muddo intee le'eg ayaa barnaamijkan la heli doonna?

Barnaamijkan waa mid ku-meelgaar ah wuxuunna dhammaan doonnaa marka xaaladda degdegga ah ay dhammaato, ama marka maaliyadaha oo dhan la bixiyo, mid kasta oo soo dhow.

Miyaan heli karaa dheefta kaashka ee DCAP xitaa haddii aanan haysan carruur aniga ila nool?

Haa.

(lagu sii waday bogga xiga)



Sideen ku codsadaa?

Barnaamijkan wuxuu u baahan yahay codsi iyo wareysi. Qoysaska waxay:

- Ka codsan karaan barta internetka WashingtonConnection.org ka-dibna waxay Xarunta Xiriirka Adeegga Macmiilka ka waci karaan lambarkan 877-501-2233 si ay u qaataan wareysiga loo baahan yahay.
- Wac **877-501-2233** inta u dhaxeysa 8 a.m.—3 p.m. Isniin ilaa Jimco si ay u dhammeeyaan guud ahaan geeddi-socodka codsiga.
- Waxaannu ku go'aamin karnaa xaq-u-yeelashadaada ee dhammaan barnaamijyadeenna hal wareysi.

Waaxda Adeegyada Caafimaadka iyo Bulshada ee Gobolka Washington



Miyaan isla waqti heli karaa DCAP iyo barnaamijyada kale ee kaashka?

Maya. DCAP ayaa waxaa loogu talagalay qoysaska aanan u qalmin barnaamijyada kale ee kaashka.

Waa maxay xadka dakhliga ee barnaamijkan?

Xadka dakhliga saafiga ah (ka-dib wax ka jaridda) ee dhammaan dakhliga la filayo bisha codsiga ayaa waxaa lagu saleeyaa inta uu qoyskaagu le'eg yahay. Eeg shaxda hoose:

Inta uu Qoysku Le'eg Yahay	Xadka Dakhliga Ka-dib Wax Ka Jaridda
1	\$363
2	\$459
3	\$569
4	\$670
5	\$772
6	\$877
7	\$1,013
8+	\$1,121

Ma jiraa xad kheyraad oo barnaamijkan loogu talagalay?

Inta lagu guda jiro xaaladdan degdegga ah, ilaa \$6,000 oo ah kheyraadkaaga la heli karo waa laga dhaafay. Saami dhan ilaa \$10,000 oo gaari ah ayaa sidoo kale laga dhaafay.

Macluumaad nooc ee ah ayaan ugu baahanahay wareysigeyga?

Inta lagu guda jiro wareysiga, waxaannu ka wadahadli doonaa dhammaan dakhliga aad filayso ee bisha, kheyraadyada aad heli karto, waxyaabaha aynu ka jari karno iyo kharashaadyada aad u baahan tahay in lagaa caawiyo.

Waa maxay noocyada kharashaadka aan caawimaadooda heli karo?

DCAP ayaa daboolaya noocyada baahiyadan ee soo socda: Kharashaadyada hoyga, biyaha, gaaska iyo korontada, dharka, daryeelka caafimaad ee yar, sahayda guriga iyo kharashaadyada gaadiidka ee shaqada. DCAP ayaa sidoo kale kaa caawin kara cuntada, keliya haddii aadan xaq u lahayn dheefaha cuntada ee socda.

Waa maxay qaddarka dheefta DCAP ee ugu badan?

Qaddarka dheefta ayaa waxay ku xiran tahay inta uu le'eg yahay qoyska, dakhliga, iyo baahida. Dheefta ugu badan ayaa hoos lagu qoray:

Inta uu Qoysku Le'eg Yahay	Qaddarka Dheefta ee Ugu Badan
1	\$363
2	\$459
3	\$569
4	\$670
5	\$772
6	\$877
7	\$1,013
8+	\$1,121

Miyaa loo baahan yahay in aan ahay muwaadin Mareykan ah? Ka waran haddii aanan lahayn lambarka Dammaanada Bulshada?

Looma baahna in aad noqoto muwaadin Mareykan ah ama in aad leedahay xaalad socdaal gaar ah si aad u hesho DCAP. Lacag-bixin DCAP kasta ayaa waxaa laga reebay imtixaanka ka mas'uul ahaanshaha dowladda. Sidoo kale lagaaga ma baahna in aad bixiso lambarka Dammaanada Bulshada si aad u hesho DCAP.

Miyaa macluumaadkeyga socdaalka lala wadaagi doonaa mas'uuliyiinta laanta socdaalka ee dowladda federaalka (Adeegyada Socdaalka iyo Jinsiyadda ee Mareykanka)?

DSHS kama soo xaqiijin doonto macluumaadka socdaalka USCIS ee loogu talagalay kuwa keliya xaq u leh DCAP. Shakhsiyaadka ama qoysaska xaq u leh barnaamijyada kale ee gargaarka cuntada ama kaashka waxaa xaaladda socdaalkooda soo xaqiijin doonta DSHS iyada oo loo marayo [habka AMMAANKA AH](#) ee waafaqsan heshiiska uu la galay USCIS.

Sideen u helaa dheefaha?

Haddii lagu oggolaado DCAP, dheefahaaga waxaa lagu bixin doonaa kaarkaaga, Wareejinta Dheefaha Elektarooniga ah, ama EBT. Haddii aadan mid haysan, waxaannu ku siin doonaa kaar. Kaarkaaga waxaa laguugu soo diri doonaa boostada, haddii aad leedahay cinwaan guud oo lagu geynayo mooyaane.